

MREŽA AKTIVNIH ZAJEDNICA

Pozorišna 13, 75000 Tuzla
Office: +387 35 257 445
Mobile: +387 62 328 162
Email: maz@maz.ba



mreža
aktivnih
zajednica

Broj protokola: 03 /24

Tuzla, 23. januar 2024.

PREDMET: Poziv za savjete mjesnih zajednica u članstvo Mreže aktivnih zajednica

U skladu sa svojom misijom, pravilnikom o članstvu i strateškim planom širenja svog djelovanja Mreža aktivnih zajednica otvara poziv za prijem novih zajednica u svoje članstvo. O kriterijima procesa učlanjenja u nastavku teksta.

Ko su članice Mreže aktivnih zajednica?

Mreža aktivnih zajednica trenutno broji 23 članice, aktivnih zajednica sa područja 8 općina/gradova Tuzlanskog kantona u kojima djeluju Lokalne grupe za razvoj i to: **Gornja Tuzla, Simin Han, Lipnica, Kreka, Solina, Par Selo, Dobrnja, Kiseljak, Tušanj, Dragunja, Brčanska Malta** (Grad Tuzla); **Turija, Hrvati** (Grad Lukavac); **Donje Dubrave** (Grad Živinice); **Seljublje, Kalesija** (Općina Kalesija); **Tinja** (Grad Srebrenik), **Čelić, Šibošnica, Nahvioci** (Općina Čelić), **Škahovica** (Općina Gračanica), **Klokotnica** (Doboj Istok), **Banovići** (Banovići),

Lokalna grupa za razvoj zajednice je ključni element u planskom procesu razvoja zajednice. To je dobrovoljno formirana neformalna grupa aktivnih građana koju čine predstavnici svih društvenih subjekata u jednoj zajednici (mjesna zajednica, škola, ambulanta, društveni dom, predstavnici sportskih, kulturnih i drugih udruženja kao i drugih neformalnih grupa građana kao što su sekcije žena, penzionera, mladih i sl.) koji žele razvijati svoju zajednicu kroz demokratski dijalog, aktivno građansko učešće i organizovanje za unapređenje društvene kohezije i uslova življenja u zajednici.

Šta zajednice članice dobijaju članstvom u Mreži aktivnih zajednica?

- **Podršku u provedbi modela ABECEDA ORGANIZIRANJA**

Zajednice članice dobijaju organizaciono-savjetodavnu podršku za provedbu modela organiziranja zajednice što podrazumjeva: izgradnju i formiranje tima aktivista u zajednici tj. formiranje lokalne grupe za razvoj, mapiranje i analizu potreba zajednice kroz izradu akcionog plana zajednice, podršku u provedbi i praćenju realizacije akcionog plana zajednice, podršku u organizaciji i realizaciji sastanaka, skupova, i drugih društvenih manifestacija, te podršku u evaluaciji jednogodišnjeg procesa.

- **Jačanje kapaciteta lidera i aktivnih građana u oblasti organiziranja zajednice**

Tokom godine Mreža aktivnih zajednica će organizovati različite treninge i radionice za jačanje kapaciteta lidera (treninzi i edukacije u oblasti organiziranja građana, učešća građana, a posebno mladih u donošenju odluka, projekt menadžmentu, liderstvu, timskom radu, komunikaciji, itd).



www.maz.ba



fb.com/MAZ.tuzla



Mreža aktivnih zajednica

ID 4210170270001

UniCredit Bank: 3384402252089786

MREŽA AKTIVNIH ZAJEDNICA

Pozorišna 13, 75000 Tuzla
Office: +387 35 257 445
Mobile: +387 62 328 162
Email: maz@maz.ba



mreža
aktivnih
zajednica

- **Poticanje saradnje i razmjene iskustava među zajednicama članicama Mreže**

Predstavnici lokalnih grupa članica imat će priliku da učestvuju u studijskim posjetama, zajedničkim sastancima na kojima će se upoznati sa primjerima dobre prakse i načinima rješavanja problema u drugim zajednicama. Također, predstavnici lokalnih grupa imat će priliku da učestvuju na građanskim forumima i konferencijama koje će aktuelizirati zajedničke probleme i teme.

- **Pristup Fondu za aktivne zajednice**

Zajednice članice Mreže aktivnih zajednica imaju pravo pristupa sredstvima Fonda za aktivne zajednice Fondacije tuzlanske zajednice. Sredstva su namjenjena za podršku organizaciji društvenih manifestacija, realizaciji malih akcija u zajednici kao i za podršku realizaciji dugoročnih projekata od vitalnog interesa za zajednicu.

Koje su obaveze članica Mreže:

Članstvo u Mreži nije trajno i članice Mreže moraju ispunjavati sljedeće obaveze i odgovornosti:

- Redovno organizirati sastanke Lokalne grupe za razvoj zajednice (minimum 6 sastanaka na godišnjem nivou), te da učestvuju na sastancima radnih tijela i zajedničkim aktivnostima (forumi, studijske posjete, treninzi, radionice, konferencija, skupština) u organizaciji Mreže aktivnih zajednica.
- Delegirati koordinadora tj. predstavnika svoje zajednice u koordinacionom odboru Mreže (svaka zajednica članica Mreže imenuje osobu koja je spona u komunikaciji između zajednice članice i Mreže)
- Redovno pismeno izvještavaju programsko osoblje MAZ-a o aktivnostima i radu svoje Lokalne grupe za razvoj
- Ažurno izmirivati obavezu plaćanja godišnje članarine (100 KM na nivou Lokalne grupe za razvoj zajednice).
- Ponašati se odgovorno i u skladu sa vrijednostima Mreže aktivnih zajednica pri obavljanju preuzetih obaveza
- Promovirati i doprinositi ugledu Mreže aktivnih zajednica

Ko može pristupiti Mreži aktivnih zajednica-kriteriji?

Poziv je otvoren za sve mjesne zajednice sa područja TK pri čemu će prednost pri odabiru imati:

Područja u kojima već postoji osnovna saradnja ili preduslovi za stvaranje trajnih partnerstava između savjeta MZ, javnih institucija, udruženja i neformalnih grupa građana i/ili gdje su lideri iz ovih organizacija/institucija spremni da zajednički rade na jačanju tih partnerstava za dobrobit stanovnika i unapređenje uslova življenja.



www.maz.ba



fb.com/MAZ.tuzla



[Mreza aktivnih zajednica](https://www.youtube.com/channel/UC...)

ID 4210170270001

UniCredit Bank: 3384402252089786

MREŽA AKTIVNIH ZAJEDNICA

Pozorišna 13, 75000 Tuzla
Office: +387 35 257 445
Mobile: +387 62 328 162
Email: maz@maz.ba



mreža
aktivnih
zajednica

Mjesne zajednice koje su suočene sa problemima i kojima prijete rizik od društvene isključenosti (npr. nepovoljna socijalna i finansijska situacija stanovnika; velika udaljenost od centra općine/grada i nedostupnost javnih usluga i servisa; veliki broj stanovnika ugroženih kategorija; nerješena osnovna infrastruktura i životna pitanja kao što su snabdijevanje pitkom vodom, strujom, zdravstvene usluge, dostupnost obrazovnih institucija...)

Područja u kojima lideri iz različitih sfera života žele da razvijaju zajedničku viziju razvoja i uključuju sve predstavnike građanskih grupa a posebno mlade i žene u planski razvoj zajednice kroz zajedničke edukacije, sastanke i pokretanje i vođenje akcija.

Kako aplicirati?

Aplicirati mogu zajednice u kojima postoji inicijalni aktivizam građana i aplikaciju mogu podnijeti zajednički predstavnici minimum tri subjekta/ organizacije/ institucije koje su spremne na međusobnu saradnju i provedbu modela organiziranja kroz članstvo u Mreži aktivnih zajednica. Akteri tj. subjekti u zajednici mogu biti: savjet/ vijeće MZ, škola, društveni dom, udruženja građana, omladinska udruženja, ambulanta, aktivne neformalne grupe građana i sekcije.

KORAK 1: Pozivaju se akteri u zainteresovanim zajednicama da se jave na email: maz@maz.ba ili Viber Chat broj **062 328 162** za eventualna dodatna pitanja i informacije.

KORAK 2: Popuniti online formu PRISTUPNI FORMULAR ([google.com](https://www.google.com)) najkasnije do **04. februara 2024.** (link možete naći na našoj Facebook i Web stranici www.maz.ba)

KORAK 3: Prisustvovati na dvodnevnom treningu 'Abeceda organiziranja zajednice' (minimalno 2 osobe iz zajednice). Trening će se organizirati **17. - 18. februara 2024.**

Pristigle prijave će razmatrati Skupština Mreže aktivnih zajednica koji donosi odluku o Prijemu zajednica u uslovno članstvo. Zajednice u Uslovnom članstvu prolaze proces učenja uz podršku Tima mentora MAZ-a. Konačnu odluku o prijemu novih zajednica u članstvo Mreže aktivnih zajednica Upravni odbor će donijeti tokom mjeseca marta 2024.



Anita Šimić

Izvršna direktorica



www.maz.ba



fb.com/MAZ.tuzla



Mreža aktivnih zajednica

ID 4210170270001

UniCredit Bank: 3384402252089786